

虛靈和尚宏法簡述

何耀光敬署




B949.92
985

港台書室

慧光居士撰

虛雲和尚宏法簡述

至樂樓叢書第三十一



805169

宣統三年

十月廿九日

一九八年戊辰四月印行

宣統三年十月廿九日

宣統三年十月廿九日

雲公老人以菩薩乘願再來抱大悲心是人天
之眼目本大慈願作四生之津梁蓋悲心大故
其憂之也深願力宏故其任之也重老人住世一
百二十年僧臘一百零一歲手創梵剎數十中
外皈依弟子逾百萬之衆重振宗風續佛慧命
巍巍功德孰可稱量慧光居士生有自來植根
深厚少時皈依老人得聞法要晚歲漸隱陀坦
之東湖日唯誦經念佛累積淨土資糧頃撰成
虛雲和尚宏法簡述將老人一生弘法事迹提綱

繫要作簡括之敘述使讀者開卷瞭然而知至人
於行履之間有如是不可思議者用為之付梓以致
敬仰而廣流傳焉

戊辰三月何耀光序於至樂樓

百二十本附贈一百零一
其憂之也彩服之衣姑其
之類日本大慈願寺四
聖公夫人之善哉乘願再
來弘悲心為入天

雲公和尚法相



行游於土辰夏也
 與之京云武昌
 卧病三佛寺香
 危众清旬影并
 題
 葉風吹起劉武
 呂老病起驅崇
 众忙三月悔三
 佛寺一場火班一
 漸惶無心欲歸
 棲夫雀有願於
 登先佛場高想
 王泉閣北溪能
 於言下增真常

目錄

一、生長家庭	一
二、出家修行	二
三、普化十方	七
四、覺迷解厄	十七
五、超度靈蠢	三五
六、誠召禎祥	四三
七、夢通天人	五二
八、後序並讚	五五

虛雲和尚宏法簡述

慧光居士

一、生長家庭

師之父親蕭玉堂。梁武帝之後。世居湖南湘鄉。母顏氏。清道光初年。父以舉人出身官福達。任永春州知州。父母年逾四十。憂無後。母赴城外觀音寺祈子。見寺宇殘破。及東關橋梁失修。發願興建。父母同夢一長鬚著青袍者。頂觀音跨虎而來。躍卧榻上。驚起互告。遂有娠。未幾。父升任泉州府知府。

師於道光二十年（公元一八四〇年）七月三十日寅時。誕生於泉州府署。初墮地爲一肉團。父母大駭慟。母以今後無復舉子望。氣壅死。翌日有賣藥翁來。爲破之。由庶母王氏撫育。七歲在漳州府衙署試讀。不喜茹葷。隨庶母吃觀音齋。一日至南山寺進香。詣大殿。見佛像莊嚴。瞪目仰視。戀不忍去。是見佛僧之始。十三歲初看香山傳。觀音菩薩成道事。熏染於心。八月隨叔父蒲堂進香南岳。遍遊諸刹。不欲回家。以畏叔嚴。不敢言。至十七歲某日。乘叔父外出。乃打包向南岳去。歧路多。半途被截回。送至泉州父親任所。未久。父以師兼祧繼叔。爲娶田譚二氏。舉行婚禮。將師禁錮。與二氏同居而無染。師爲二氏說佛法。亦能領悟。

二、出家修行

咸豐八年十九歲。予決志離俗。（從本段起節錄師語。予者師自稱也）。從弟富國同此志。暗探福州鼓山路程。作皮袋歌一章。留別田譚二氏。與富國同逃至福州鼓山湧泉寺。禮常開老人。爲披剃。二十歲依鼓山妙蓮和尚。圓受具戒。名古岩。又名演徹。字德清。時父在泉州。派人四出尋訪。富國於圓具後。行腳參方。去後不知踪跡。予隱山後岩洞。禮萬佛懺。不敢露面。時遇虎狼。亦不畏懼。如是者三年。妙老和尚召回山任職。爲衆作務。閱二年。聞父在原籍病故。從此不探問家事。斷絕音書。其後有鄉人來言。謂予父歿後。庶母王氏領二媳出家爲尼。予任職鼓山。已滿四年。所當職務。皆苦行事。每日僅粥一盂。而體力強健。既而自思。任職多年。修持不無少碍。又思昔日玄奘法師欲求經西竺。於十年前。先習方言。日行百里。復試絕粒。先由一日起至若干日。以防沙漠荒磧絕水草也。古德苦行。有如此者。我何人斯。敢弗效法。乃辭去職事。盡散衣物。僅一衲。一褲。一履。一簑衣。一蒲團。復向後山作岩洞生活三年。此三年中。居則岩穴。食則松毛及青草葉。渴則飲澗水。日久褲履俱敝。僅一衲蔽體。頭上束金剛圈。髮鬚長盈尺。雙目炯然。人望之以爲魅。怖而走。予亦不與人言談。

同治九年三十一歲。到天台華頂龍泉菴。請問鏡融老法師。今予多參講座。以利遊方。留住年餘。又奉師命往國清寺習經教二年。時往茅菴伴鏡老人。此後又於七八年間

。分往普陀山。甯波。杭州。焦山。金山。楊州各地修行。四十三歲發心朝五台。於七月一日由普陀法華菴起香。三步一拜。以直拜至五台爲止。此三年中。除爲疾病所困。（文殊菩薩。曾化身爲文吉。沿途護理醫藥）風雪所阻不能拜香外一心正念。禮拜途中。歷盡艱難。心生歡喜。因此悟古人所謂消得一分習氣。便得一分光明。忍得十分煩惱。便証少分菩提。曾上大螺頂。拜智慧燈。第一夜無所見。第二夜見北台頂一團火。飛往中台落下。少頃分爲十餘團。大小不一。第三夜又見中台空中三團火。飛上飛下。北台現四五處火團。亦大小不同。下山後由華嚴嶺向北行朝北岳恆山。渡黃河登太華山。首陽山。入甘肅至崆峒山。又到終南山東五台。至南五台。晤覺朗。治開。法忍。體安。法性諸上人。同參究。甚有饒益。由川入藏。行及一年。日出而行。日入而息。登山涉水。每數日不遇一人。鳥獸異於中原。風俗堪稱殊異。僧伽不守戒律。多食牛羊。道服劃分紅黃。各立門戶。

光緒十五年予五十歲。不欲留藏。開春南行。經不丹國渡錫蘭。朝聖地後即附航至緬甸。朝大金塔。至摩羅廟朝吉利。此處有一巨石至奇。稱是目連尊者安置。七月回國由臘戍過漢龍關。爲朝鷄足山。禮迦葉尊者。半山有鳴歌坪。相傳尊者入山。八國王送至此。不忍去。在山修行。成護法神云。直上至迦葉殿。殿中奉尊者像。予進香禮拜時。忽聞大鐘三聲。土人均歡呼禮拜。下山經雲南府至楚雄府。在西門外高鼎寺住。又經昆明府。曲靖府。以達貴州省之平彝。而入湘西。達衡陽。禮恒誌和尚於岐山。留旬日。

北行。至湖北武昌。禮志摩和尚於寶通寺。學大悲懺法畢。赴九江入廬山。禮志善和尚於海會寺。參加念佛會。過安徽境。遊黃山後。朝九華山。禮地藏王菩薩塔。百歲宮禮寶悟和尚。渡江至寶華山。禮聖性和尚。此兩年間。身行萬里。境風日變。心月孤懸。體力增強。步履輕捷。不特不覺行旅之苦。反思昔日放逸之非。古人謂讀萬卷書。須行萬里路。良有以也。

光緒十六年到宜興禮仁智和尚。時修顯親寺。是密祖出家處。在此過夏。到句容禮法忍和尚。助其修赤山。住此過冬。十七年在金陵伴松岩上人助修淨成寺。時與楊仁山居士往來。參論因明論。般若燈論。十八年。約普照月霞印蓮諸師。同上九華山修翠峯茅蓬。同住三年。研究經教。光緒二十一年揚州高旻寺住持月朗到九華。稱今年高旻有朱施主法事。共打十二個七。仰諸位護持常住。都請回山。將屆期。衆推予先下山。至大通荻港後。又沿江行。失足墮水。浮沉一晝夜。護救甦。然口鼻大小便諸孔流血。居數日。赴高旻。謁月朗和尚。詢山中事後。即請代職。予不允。只求在堂中打七。高旻家風嚴峻。如請職事拒不就者。視爲慢衆。於是表堂。打香板。予順受不語。而病益加劇。血流不止。且小便滴精。以死爲待。在禪堂中晝夜精勤。澄清一念。不知身是何物。經二十餘日。衆病頓愈。至臘月八七。第三晚。六枝香開靜時。護七例沖開水。潑予手上。茶杯墮地。一聲破碎。頓斷疑根。慶快平生。如從夢醒。自念出家漂泊數十年。被個俗漢一問。不知水是甚麼。若果當時踢翻鍋灶。看文吉有何言語。此次若不墮水大

病若不遇順攝逆攝。知識教化。幾乎錯過一生。那有今朝。因述偈曰。

杯子撲落地。

響聲明漚漚。

虛空粉碎也。

狂心當下息。

又偈

盪着手。

打碎杯。

家破人亡語難開。

春到花香處處秀。

山河大地是如來。

二十二年夏。至金山寺過戒期。大定老和尚留住過冬。二十三年由金山至狼山。禮大勢至菩薩回。被道明和尚請到揚州助理重甯寺。四月通智和尚在焦山講楞嚴經。命予講偏座。講經畢。別衆下山。予以生而無母。未見慈容。僅於在家時覩真儀耳。宿願往阿育王寺。禮舍利。燃指供佛。超度慈親。遂往甯波。十一月初。大病頓發。衆皆以爲世緣盡矣。予亦聽之。第以燃指不成。心生焦慮。宗亮監院聞之。亦流淚曰。你不要煩惱。我助你成就。十七早。宗亮請他師弟宗信幫燃。數人扶上大殿。禮佛念懺悔文。初尙覺痛苦。繼而心漸清定。指已燃畢。予自起立禮佛。不用人扶。翌日入鹽水泡一天。亦未流血。不數日膚肉完復。漸漸恢復禮拜。留住育王過年。二十四年往甯波七塔寺講經畢。往宜興銅棺山。二十五年結森寶林二上人邀赴丹陽重修仙台觀。七月至句容。赤山法忍和尚付茅蓬過冬。予在江浙已住十年。又思遠遊。其目的擬再朝五台後。入終南修隱。遂離赤山。先到鎮江揚州。朝雲台山。入山東朝泰山。東趕牢山。訪憨山老人海

印寺。旋到曲阜。禮孔廟孔陵。時義和團亂作。欲赴修南不成。退回北京。遊西域寺。禮石藏經。於潭柘寺訪異行僧。至戒台寺禮飛鉢禪師塔。紅螺山參加念佛道場。遊大鐘寺。回城南龍泉寺住。五月京中大亂。六月天津失守。七月聯軍陷北京。時王公大臣有住龍泉寺者。與予相熟。乃勸予偕伊等隨扈蹕西行。出長城。入山西雁門關。至西安潛去。十月上修南山結茅。覓得嘉五台後獅子岩。地幽僻。爲杜外擾計。改號虛雲自此始。在茅蓬一住年餘。遠近僧俗。咸來視予。厭於酬答。乃宵遁。其目的地爲峨嵋。行至成都。住寺小憩。遂由嘉定登金頂。觀佛光。至錫瓦殿禮眞應老和尚。歡留數日。下山循洗象池。大峨寺。長老坪毘盧殿。峨嵋縣。峽江縣。抵銀村。過流沙河。又過火燃山達建昌寧遠府。至會理州。入雲南省界。過永北縣。朝觀音菩薩聖蹟。渡金沙江朝鷄足山。樹下宿。復聞石門內魚磬聲。翌日。上金頂各處進香畢。又復起念。佛祖道場。衰敗至此。發願在山結菴以接待朝山者。又爲地方子孫寺廟所禁。思之雪涕。乃下山抵昆明府。得岑寬慈居士留住福興寺。閉關。戒塵爲護。

三、普化十方

光緒三十年六十五歲。春。諸護法暨歸化寺和尚契敏懇請出關。到寺講圓覺經。四十二章經。皈依者三千餘人。秋。夢佛上人請到筇竹寺講楞嚴經。即在該寺刊楞嚴經及寒山詩。板存寺。請傳戒。法事畢。赴大理府住三塔崇聖寺。講法華經。皈依者又數千人。於山中覓得一破院名鉢孟菴。恢復迦葉道場。該菴自嘉慶後無人住。因大門外右方有一巨石。白虎不祥。擬在此地鑿一放生池。僱工斫之。不碎。即去土察之。無根。石高九尺四寸。寬七尺六寸。頂平可跏趺坐。招包工移左二十八丈。來工人百餘。拚力三天。無法動。不顧而去。予禱之伽藍。啐佛咒。率十餘僧人。移之左。哄動衆觀。驚爲神助。好事者題爲雲移石。士大夫題詠甚多。予亦有詩紀之。略。重修寺宇。接待十方。事既展開。急於募化。乃留戒塵師料理內務。予獨往騰越。抵達後住湖南會館。曾爲吳家誦經。放施食七天。皈依者千餘人。且踴躍樂捐鉅款。於是回山備糧。建造房屋。立定規約。坐香講經。重振律儀。傳受戒法。求戒者七百餘人。至是山中諸寺。亦漸改革。着僧衣。吃素菜。且上殿掛單矣。三十一年春。石鐘寺老和尚寶林。請在該寺傳戒。求戒者八百餘人。法事畢。戒塵在鉢孟菴閉關。予往南洋募化。至南甸太平寺講彌陀經畢。皈依者數百人。畢。循千崖蠻。越過野人山到新街瓦城。又到仰光。檳榔嶼。馬六甲。吉隆坡各埠講經。前後皈依者萬餘人。冬。滇省全體僧衆來電。謂政府提寺產。八

指頭陀寄禪亦有電來請速回共同挽救。

三十二年春回國。經台灣。參觀靈泉寺。三月抵滬。與佛會代表寄禪師等同進京請願。住賢良寺。得法安。覺光。諸師招待。肅親王善耆請予爲其太福晉說戒法。以及庚子隨鑾時各王公大臣舊友。多來相視。策劃上奏諸事。得力甚多。諸事順利。奏上。奉上諭着該督撫飭令地方官。凡有大小寺院及一切僧衆產業。一律由地方官保護。等語。自此諭頒後。各首提寺產之風。遂告平息。繼而留京請藏。奉諭雲南鷄足山鉢盂峯迎祥寺加贈名護國祝聖禪寺。欽賜龍藏。鸞駕全副。欽命方丈。御賜紫衣鉢具。欽賜玉印。錫杖如意。封賜住持虛雲。佛慈洪法大師之號。奉旨回山傳戒。護國佑民。等語。三十三年春正月。運經出京。先至滬。抵廈門。聞妙蓮和尚圓寂。予即兼程赴鼓山建塔傳冥戒。其靈骨以一半入塔。一半運南洋極樂寺供養。當奉迎藏經與妙老人骨灰南行。曾經檳榔嶼。丹那。怡保。大小霹靂。仰光。騰越。而入雲南。一路受人敬禮。爲說法傳戒。難以計算。得款甚鉅。暹王且送洞裏地三百頃。予受而轉送與極樂寺。設樹膠廠。宣統元年到大理時。雲貴總督李經羲派員迎接。直到祝聖寺。（即鉢盂菴）一路平安。奉經入藏。正臘月三十日香會。萬衆歡騰。得未曾有。因請戒塵師出關。勸諭諸山同遵戒律。提倡教育青年。革除陋習。鷄山道風。爲之一振。

宣統三年春。傳戒期後。結禪七四十九日。提倡坐香。九月武漢革命傳至滇中。地方大亂。賓州縣城被圍。幾成大禍。予調解之。又統兵官李根源因誤會派兵圍鷄足山。

予爲解釋。引兵去。且皈依三寶。無何。上海佛教會以新定章制。請予北行。與寄禪。治開往南京晤孫中山。商改會章。復同往北京晤袁世凱。寄公忽病。坐脫。予爲料理喪事。扶柩至滬。在靜安寺開佛教總會成立大會。及寄公追悼會畢。予領滇黔兩省分會及滇藏支會公文。準備回滇。李根源廣書介紹函與蔡松坡諸公。共爲護法。

一九一二年予回滇後。即開辦佛教分會。請了塵在貴州設分會。西藏活佛喇嘛遠道來者甚衆。擬舉辦佛教學校。佈道團及醫院等慈善事業。時民政長羅容軒動多阻碍。予受活佛及會衆公議。晉京見內閣總理熊希齡報告。乃調羅入京。以任可證爲巡按使。予回滇。任對佛教事務。盡力維持。予亦將會務交代清楚。回鷄足山。重修興雲寺及蘿荃寺。又到龍華山及麗江金山寺講經。朝雪山太子洞。到維西。中旬。阿敦子各地遊覽。又到藏邊參觀喇嘛十三大寺。

高萬邦居士所送玉佛。已閱數年。乃於一九一六年到諸夷地觀風。再到仰光拜大金塔訪高居士。在龍華寺講經畢。附船往星加坡。明年春。由觀音亭起運玉佛。所經山嶺崎嶇。凡數十日至山。一九一八年唐督繼堯派員備意問。令賓州縣知事入山迎請。不得已允赴昆明。途中遇匪。意欲加害。卒爲予說服。且願受政府招安。其後見唐督陳說。唐即見納。一九一九年春在昆明忠烈祠建水陸道場。四十九日。法會圓滿。唐又請至其公館念經荐親。現瑞應。大生信心。合府皈依。以後數年繼續在昆明修法講經。一九二八年爲募聖像款與王九齡居士同行至香港。時陳銘樞主粵政。派員接至廣州。同遊白雲

山能仁寺。陳擬請予住曹溪南華。却之。至廈門轉福州。回鼓山講經畢。赴阿育王寺拜舍利。再朝普陀。文質和尚陪至滬。住香山菴龍光寺。冬。鼓山達公和尚圓寂。派人到滬商事。以逼歲除。在滬過年。一九二九年正月由滬回鼓山。現任福建省主席楊樹莊。及前任主席方聲濤。率官紳留予住持鼓山。予以薙染初地。緬懷祖德。義不可辭也。遂就任。連住五年。

一九三四年四月。粵僧敬禪。之清。福果等參禮鼓山。屢言粵中佛法衰落。祖庭傾圮。欲予赴粵中興之。意未決。一夜連獲三夢六祖。喚來南華。不數日。粵北綏靖主任李漢魂派吳秘書種石暨廣州香港縉素十餘人。到鼓山迎予。遂赴粵詣曹溪。禮祖庭。冬。諸護法堅請傳戒。皈依甚衆。冬月十七日結壇正殿。入夜說菩薩戒時。虎來皈依。衆懼。予爲其說戒。馴然而去。一九三五年春。應香港東華三院請。赴港建水陸道場。事畢轉鼓山辭職。即回南華。先培修祖殿。建觀音堂及寮房等工程。一九三六年春傳戒。修理各殿宇。陸續有成。國府主席林公子超。居院長正。蔣公中正等前後來南華。林居二公助重建大殿。蔣公助重鑿新河。然不煩人力。有助其成者。亦護法之力也。後此日寇進逼南京。國民政府遷都重慶。予尚兩度赴穗垣講經。再赴香港建大悲法會。又赴佛山爲仁壽寺寶塔開光。及廣州淪陷。軍民兩政機關。遷治曲江。各地僧人來者日衆。予仍從事修葺殿宇。並隨時應接賓客。解疑說法。並將善信弟子們所贈果金二十餘萬元。交與粵省府。以爲賑濟之用。有來寺求戒者無不應。且勸大衆減省晚食。積節餘糧。獻